

Mostar, 24.02.2010. godine

Broj: 01-07-1311-16/09

07-02-1592-08/25/09

07-02-1593-08/26/09

01-07-198-03/10

Na osnovu člana 14. i člana 15. Zakona o električnoj energiji („Službene novine Federacije BiH“ broj 41/02, 24/05, 38/05, 61/09), člana 12. stava (1) i člana 14. stava (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), te člana 31. stava (2), člana 52. i člana 53. Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), te člana 45. i člana 50. stava (1) i stava (3) Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 37/05) i člana 9, člana 52. stava (1) i člana 55. stava (2) Pravilnika za tarifnu metodologiju i tarifne postupke („Službene novine Federacije BiH“ broj 45/05), kao i Odluke o provođenju četvrtog tarifnog postupka broj 01-07-1311-02/09 od 05.11.2009. godine i Odluke o provođenju trećeg tarifnog postupka broj 07-02-1592-07/25/09 i 07-02-1593-07/26/09 od 24.02.2010. godine, Regulatorna komisija za električnu energiju u Federaciji Bosne i Hercegovine-FERK je, u nastavku II redovne sjednice održane u Mostaru dana 24.02.2010. godine, donijela

O D L U K U

o planu aktivnosti na provođenju postupaka formalnih rasprava tokom trećeg i četvrtog tarifnog postupka

Član 1.

Ovom odlukom FERK utvrđuje plan aktivnosti na provođenju formalnih rasprava u trećem i četvrtom tarifnom postupku za Javno preduzeće „Elektroprivreda Hrvatske zajednice Herceg Bosne“ dioničko društvo Mostar, a u skladu sa članom 3. Odluke o provođenju trećeg tarifnog postupka broj 07-02-1592-07/25/09 i 07-02-1593-07/26/09 od 24.02.2010. godine i članom 5. Odluke o provođenju četvrtog tarifnog postupka broj 01-07-1311-02/09 od 05.11.2009. godine.

Član 2.

FERK planira postupke formalnih rasprava, a radi odobrenja tarifa za djelatnost proizvodnje električne energije, odobrenja tarifa za djelatnost distribucije električne energije i odobrenja tarifa za djelatnost snabdijevanja električnom energijom I. reda, uključujući i

trošak nabavke električne energije za potrebe nekvalifikovanih (tarifnih) kupaca za JP „Elektroprivrede HZ HB“ d.d. Mostar, provesti najkasnije do 16.07.2010. godine.

Član 3.

- (1) Formalne rasprave u trećem tarifnom postupku pokrenutom po Zahtjevu za odobrenje tarifa za djelatnost proizvodnje električne energije i po Zahtjevu za odobrenje tarifa za djelatnost distribucije električne energije, koje je JP „Elektroprivreda HZ HB“ d.d. Mostar podnijela, kao i formalna rasprava u četvrtom tarifnom postupku pokrenutom na inicijativu FERK-a, a radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca, te formalna rasprava o prijedlogu tarifnih stavova JP „Elektroprivreda HZ HB“ d.d. Mostar, koje je isto dostavilo uz dokumentaciju potrebnu za provođenje trećeg i četvrtog tarifnog postupka, planiraju se održati u prostorijama FERK-a, na adresi Blajburških žrtava br. 33, Mostar, prema slijedećem rasporedu:

Predmet formalne rasprave	Datum i vrijeme formalne rasprave
Proizvodnja električne energije	15. i 16.04. 2010. u 9:00 sati
Distribucija električne energije	22. i 23.04. 2010. u 9:00 sati
Snabdijevanje električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca	26. i 27.04. 2010. u 9:00 sati
Tarifni stavovi	28. i 29.04. 2010. u 9:00 sati

- (2) Prije održavanja formalnih rasprava iz stava (1) ovog člana, održat će se pripreme rasprave radi odlučivanja o rasporedu radnji i drugim proceduralnim pitanjima kojim se upravlja tokom postupka.

Član 4.

- (1) Formalne rasprave se održavaju u cilju utvrđivanja bitnih činjenica na osnovu kojih će FERK donijeti odluku o tarifama JP „Elektroprivrede HZ HB“ d.d. Mostar za djelatnosti proizvodnja električne energije, distribucija električne energije i snabdijevanje električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca.
- (2) Na formalnim raspravama će se provesti dokazni postupak za utvrđivanje činjenica, koji obuhvata uvid u isprave i druge dokumente, izjave strana u postupku, izjave svjedoka, a po potrebi mogu se izvoditi i drugi dokazi.

Član 5.

- (1) Na formalnim raspravama iz člana 3. ove odluke prisustvo javnosti je dobrodošla, ali u istim mogu učestvovati zaposlenici FERK-a, JP „Elektroprivreda HZ HB“ d.d. Mostar i umješaci.
- (2) Sva dokumentacija dostavljena od strane JP „Elektroprivreda HZ HB“ d.d. Mostar za potrebe provođenja trećeg i četvrtog tarifnog postupka, osim dokumenata koji su označeni kao povjerljivi, stavlja se na uvid javnosti u prostorijama FERK-a.

Član 6.

- (1) Obavještenje za javnost o provođenju trećeg tarifnog postupka po Zahtjevu za odobrenje tarifa za djelatnost proizvodnje električne energije i po Zahtjevu za odobrenje tarifa za djelatnost distribucije električne energije, podnesenim od strane JP „Elektroprivrede HZ HB“ d.d. Mostar, te o provođenju četvrtog tarifnog postupka na inicijativu FERK-a za utvrđivanje tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca, te o mjestu i vremenu održavanja formalnih rasprava iz člana 3. ove odluke objavit će se u „Dnevnom listu“, „Oslobođenju“ i na web stranici FERK-a, na dan 25.02.2010. godine, i ista će sadržavati informaciju da na formalnim raspravama mogu učestvovati zaposlenici FERK-a, JP „Elektroprivreda HZ HB“ d.d. Mostar i umješaci, a da je prisustvo javnosti dobrodošla.
- (2) U Obavještenju se navodi da umješac zahtjev za sticanje statusa umješaca u postupku formalne rasprave radi odobrenja tarifa za djelatnost proizvodnje električne energije i/ili radi odobrenja tarifa za djelatnost distribucije električne energije i/ili radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca i/ili po prijedlogu tarifnih stavova podnosi do

09.03.2010. godine do 12:00 sati, koji je i rok do kada zainteresovana lica mogu podnijeti pisane komentare na dostavljenu dokumentaciju JP „Elektroprivreda HZ HB“ d.d. Mostar.

(3) Obavještenje iz stava (1) ovog člana je sastavni dio ove odluke.

Član 7.

Status umješaača u formalnoj raspravi može steći pravno ili fizičko lice pod uslovom da blagovremeno podnese zahtjev za sticanje statusa umješaača, i da ispunjava slijedeće kriterije:

- da ima direktan interes u postupku radi odobrenja tarifa za djelatnost proizvodnje električne energije i/ili u postupku radi odobrenja tarifa za djelatnost distribucije električne energije i/ili u postupku radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca i/ili po prijedlogu tarifnih stavova u vezi kojeg podnosi zahtjev za sticanje statusa umješaača, a koji je različit od općeg javnog interesa i
- da raspolaže podacima i činjenicama od značaja za formalnu raspravu u trećem i/ili četvrtom tarifnom postupku koji se vodi pred FERK-om.

Član 8.

Ova odluka stupa na snagu danom donošenja, te se objavljuje na web stranici i oglasnoj tabli FERK-a, a dispozitiv ove odluke i u „Službenim novinama Federacije BiH“.

O b r a z l o Ź e n j e

Odlukom FERK-a o provođenju četvrtog tarifnog postupka broj 01-07-1311-02/09 od 05.11.2009. godine FERK je pokrenuo, na svoju inicijativu, četvrti tarifni postupak za JP „Elektroprivreda HZ HB“ d.d. Mostar i to radi utvrđivanja potrebnog prihoda za djelatnost snabdijevanja električnom energijom I. reda (nekvalifikovani (tarifni) kupci), a na godišnjem nivou, uključujući i trošak nabavke električne energije za potrebe nekvalifikovanih (tarifnih) kupaca, te je odredio rok (07.12.2009. godine) za podnošenje potrebnih dokumenata od strane JP „Elektroprivreda HZ HB“ d.d. Mostar radi provođenja četvrtog tarifnog postupka. Kako u navedenom roku JP „Elektroprivreda HZ HB“ d.d. Mostar nije dostavila dokumente potrebne za provođenje četvrtog tarifnog postupka, FERK je istoj uputio Zahtjev za informacijama broj 01-07-1311-05/09 od 16.12.2009. godine, navodeći da je potrebno da ista u roku od osam dana od dana prijema tog Zahtjeva za informacijama dostavi zahtjevane podatke za djelatnost snabdijevanja električnom energijom I. reda na način kako je propisano članom 4. Odluke o provođenju četvrtog tarifnog postupka broj 01-07-1331-02/09 od 05.11.2009. godine. U skladu sa navedenim, te u skladu sa Odlukom o određivanju bazne godine kod pokretanja tarifnih postupaka

(„Službene novine Federacije BiH“ broj 70/06), JP „Elektroprivreda HZ HB“ d.d. Mostar je dostavila 23.12.2009. godine FERK-u, dio potrebnih dokumenata potrebnih za provođenje četvrtog tarifnog postupka primljenih pod brojem 01-07-1311-06/09. Prilikom pregleda kompletnosti dostavljene dokumentacije utvrđeno je da ista ne sadrži sve potrebne podatke i informacije propisane Odlukom o provođenju četvrtog tarifnog postupka broj 01-07-1311-02/09 od 05.11.2009. godine i Prilogom 2. Pravilnika za tarifnu metodologiju i tarifne postupke.

U skladu sa članom 81. Pravilnika o javnim raspravama i rješavanju zahtjeva i žalbi FERK-a, te članom 9. stavom (5) i članom 63. Pravilnika za tarifnu metodologiju i tarifne postupke, FERK je JP „Elektroprivreda HZ HB“ d.d. Mostar uputio Zahtjev za informacijama broj 01-07-1311-09/09 od 22.01.2010. godine, kojima je tražio od JP „Elektroprivreda HZ HB“ d.d. Mostar da dostavljenu dokumentaciju dopuni potrebnim podacima i informacijama u roku od osam dana od dana prijema tog Zahtjeva za informacijama.

Povodom navedenog Zahtjeva za informacijama, FERK je od JP „Elektroprivreda HZ HB“ d.d. Mostar dana 01.02.2010. godine primio pod brojem 01-07-1311-11/09 dio tražene dokumentacije, podataka i informacija. JP „Elektroprivreda HZ HB“ d.d. Mostar je dio tražene dokumentacije, podataka i informacija dostavilo i naknadno pod brojem 01-07-1311-12/09 dana 08.02.2010. godine, te pod brojem 01-07-1311-14/09 dana 12.02.2010. godine.

Također, JP „Elektroprivreda HZ HB“ d.d. Mostar je FERK-u podnijela i Zahtjev za odobrenje tarifa za djelatnost proizvodnje električne energije broj 07-02-1592/25/09 i Zahtjev za odobrenje tarifa za djelatnost distribucije električne energije broj 07-02-1593/26/09 dana 23.12.2009. godine, a u povodu kojih je FERK donio Odluku o provođenju trećeg tarifnog postupka broj 07-02-1592-07/25/09 i 07-02-1593-07/26/09 od 24.02.2010. godine.

Dana 23.12.2009. godine, JP „Elektroprivreda HZ HB“ d.d. Mostar je dostavilo FERK-u prijedlog Tarifnih stavova za prodaju električne energije tarifnim kupcima s datumom primjene od 01.01.2010. godine.

U skladu sa članom 9. Pravilnika za tarifnu metodologiju i tarifne postupke, FERK će nastaviti četvrti tarifni postupak, koji je pokrenuo na svoju inicijativu, kao i treći tarifni postupak po Zahtjevu za odobrenje tarifa za djelatnost proizvodnje električne energije i po Zahtjevu za odobrenje tarifa za djelatnost distribucije električne energije, koje je JP „Elektroprivreda HZ HB“ d.d. Mostar podnijela. FERK će navedene tarifne postupke nastaviti na osnovu podataka koje je dostavilo JP „Elektroprivreda HZ HB“ d.d. Mostar, a na dostavljanju sve tražene a nedostajuće dokumentacije, podataka i informacija, FERK će insistirati tokom tarifnih postupaka, te može zahtjevati od JP „Elektroprivreda HZ HB“ d.d. Mostar dostavljanje procjene istih, s tim da FERK zadržava i pravo vlastite procjene istih, a sve u skladu sa Pravilnikom za tarifnu metodologiju i tarifne postupke.

Članom 55. stavom (2) Pravilnika za tarifnu metodologiju i tarifne postupke propisano je to da FERK može voditi opštu, formalnu i tehničku raspravu, a zadržava diskreciono pravo u određivanju vrste rasprave, te da su vrste javnih rasprava definisane Poslovníkom o radu FERK-a i drugim pravilima FERK-a.

Član 45. Pravilnika o javnim raspravama i rješavanju zahtjeva i žalbi FERK-a propisuje obavezu obavještanja javnosti o tarifnom postupku i o datumu održavanju formalnih rasprava, kao i sadržaj obavještenja za javnost.

Članom 50. stavom (1) i stavom (3) Pravilnika o javnim raspravama i rješavanju zahtjeva i žalbi FERK-a, određeno je da nakon početka postupka formalne rasprave FERK zakazuje formalnu raspravu za provođenje dokaza radi utvrđivanja činjenica, te da utvrđuje rok u kojem se formalna rasprava mora održati i donijeti konačna odluka FERK-a, a koji neće biti duži od šest mjeseci nakon podnošenja zahtjeva ili početka istrage, te da ako FERK smatra da ovi vremenski period nije dovoljan, isto može biti produženje za najviše tri dodatna mjeseca.

Na osnovu navedenog odlučeno je kao u dispozitivu odluke.

PREDSJEDNIK FERK-a
Zdenko Šimunović s.r.